

## Ä ibernatyyrlichi G'schicht

Am Dschungelrand bi Swaziland  
da sitzt friedlich ä Haas  
Frisst voll G'nuss im Iberfluss  
vom feinä frischä Graas.

Doch pletzlich staht ä Löw' vor ihm  
„Jetz' heisst's d's Hirni yyschaltä“  
Schiässt's äm Haas grad dur'd'r Chopf  
„Wott ich myy Pelz nu b'haltä.“

„Dü chasch mich gar' nit frässä“  
seid d'r Haas zum Löw jetz' fyrrlich  
„Äs weiss doch jedes Dschungel-Tiär  
myyni Chräft sind ibernatyyrlich!“

Da' fragt d'r Löw liächt irritiärt  
„Vu' was fir Chräft isch d'Red?“  
D'r Haas seid ganz unschiniärt  
„Chumm' luäg wiä jedes Tiär im Dschungel  
Respäkt vor miär het.“

So läuft d'r Haas vorüss i Wald  
hinder ihm diä stattlich' Löwä-G'schtalt  
Sie schtampfed bald mit aller G'walt  
das' äs witt' umä hallt.

Jedes' Tiär wo g'seht diä Prozässion  
fliäht voll Panik i' Dschungel  
D'r Löw är stüüned - seid kei' Ton  
zu'm Riesä-Mega-Rummel.

„Momoll - der chlyyni-fyyni Haas  
mit schwächtiger Poschtüür“  
Meint d'r Löw jetz' fasziniärt  
„Isch ä' ibernatyyrlichi Figüür.“